

Utusan SAWIT

MPOB Menjana Perubahan Industri Sawit



Utusan
Borneo
Citra Generasi Pribat

JUMAAT
21 SEPTEMBER 2018

EDISI KHAS

MPOB, Universiti Tsinghua China meterai MoU penyelidikan biodiesel

Oleh Insyirah Mohamad Shah & Dr. Harrison Lau Lik Nang & Yoong Jun Hao

insyirah@mpob.gov.my & harrison@mpob.gov.my & jhyoong@mpob.gov.my

BEIJING: Lembaga Minyak Sawit Malaysia (MPOB) memeterai memorandum persefahaman (MoU) dengan Universiti Tsinghua bagi penyelidikan bio bahan api berdasarkan sawit di The Great Hall of the People di sini baru-baru ini.

Universiti Tsinghua adalah sebuah institusi penyelidikan terkemuka China dan termasuk dalam 50 universiti terbaik dunia.

Majlis berkenaan disaksikan oleh Perdana Menteri Malaysia, Tun Dr. Mahathir dan Perdana Menteri China, Li Keqiang sempena lawatan rasmi ke China baru-baru ini.

Yang turut hadir Menteri Kabinet, Duta Besar Malaysia dan pegawai Malaysia termasuk Menteri Industri Utama, Teresa Kok; Ketua Setiausaha Kementerian Industri Utama, Datuk

Tenaga boleh diperbaharui adalah salah satu fokus utama

Minyak sawit merupakan bahan mentah penting dalam penghasilan bio bahan api, termasuk biodiesel, pelet bahan api dan bahan api pesawat.

Tenaga boleh diperbaharui adalah salah satu fokus utama

dalam pelan pembangunan China di bawah Pelan Pembangunan Jangka Sederhana dan Panjang Tenaga Boleh Diperbaharui

yang digariskan pada Ogos 2007 menetapkan sasaran pengeluaran 200,000 tan biodiesel menjelang 2010 dan seterusnya berkembang

kepada 2 juta tan pada tahun 2020.

Bio bahan api berdasarkan sawit mempunyai potensi sebagai sumber pembaharuan

dan tenaga mesra alam dan melengkapkan Dasar Tenaga Hijau China yang menyasarkan 15 peratus bahan api bukan fosil

menjelang tahun 2020.


Biodiesel merupakan salah satu jenis bahan api boleh diperbaharui yang biasa dihasilkan.

Minyak sawit adalah bahan mentah sesuai digunakan dalam pengeluaran bio bahan api kerana sumber bekalannya yang konsisten disamping hijau, mesra alam dan boleh diperbaharui.

Berdasarkan statistik MPOB, eksport biodiesel sawit Malaysia meningkat hampir lapan kali ganda kepada 19.6 ribu tan metrik bagi tempoh Januari hingga Jun 2018 berbanding dengan 2.5 ribu tan yang dicatatkan pada tempoh yang sama tahun 2017.

Harga minyak sayuran di pasaran dunia semasa yang rendah kesan perang perdagangan China-Amerika Syarikat telah merangsang import dan penggunaan biodiesel termasuklah import biodiesel sawit Malaysia oleh China.

Harga biodiesel sawit menjadi lebih berdaya saing dibandingkan dengan diesel berdasarkan petroleum.



DATUK Dr Ahmad Kushairi Din dan Prof. Yang Bindi menandatangani memorandum persefahaman berkaitan bio bahan api sawit di hadapan Tun Dr Mahathir Mohamad dan Li Keqiang.



TERESA Kok menunjukkan produk pencuci pakaian berdasarkan sawit mesra alam yang dihasilkan melalui teknologi MPOB.

MPI lancar Kempen Amalan Hijau

Oleh Noor Asmawati Abdul Samad
watie@mpob.gov.my

BANGI: Menteri Industri Utama, Teresa Kok melancarkan Kempen Amalan Hijau atau Go Green untuk diamalkan oleh Kementerian dan agensi di bawahnya, di sini baru-baru ini.

"Kempen hijau ini amat bertepatan dengan usaha Kementerian Industri Utama (MPI) ke arah menjadikannya pengeluar produk berdasarkan komoditi yang mampan", katanya ketika berucap pada Majlis Perhimpunan MPI sempena Bulan Kebangsaan dan Kibar Jalur Gemilang 2018 di Ibu Pejabat MPOB.

Katanya, adalah penting MPI, agensi dan majlis di bawah kementerian komited dalam membudayakan amalan Go Green.

"Amalan Go Green dalam persekitaran kerja terutama kecekapan guna tenaga adalah sebagai langkah penjimatatan di semua premis MPI, agensi dan majlis.

Majlis berkenaan turut diadakan bagi merayakan Hari Kemerdekaan ke-61 dan pelancaran kibaran Jalur Gemilang peringkat kementerian.

"Tahun ini sambutan Hari Kemerdekaan ke-61 punah bersejarah kerana akan meraikan penyambutan tumpah kepimpinan kerajaan baharu - Kerajaan Pakatan Harapan yang dipimpin oleh Perdana Menteri Tun Dr Mahathir Mohamad.

"Oleh itu, kita perlu meningkatkan usaha untuk menghasilkan produk

komoditi secara mampan, bertaraf unggul dan mempunyai nilai tambah yang tinggi.

Katanya, pendekatan dan kaedah baharu di peringkat huluhan dan hiliran perlu dipergiatkan lagi.

"Kementerian dan pihak industri perlu menyusun atur strategi dan mengerakkan program bagi merancangkan aktiviti berkaitan pembangunan industri agri komoditi", katanya.

Yang turut hadir pada majlis berkenaan Timbalan Menteri Industri Utama, Shamsul Iskandar Md Akin, Ketua Setiausaha MPI, Datuk Zurinah Pawanteh dan Ketua Penggarah MPOB, Datuk Dr Ahmad Kushairi Din dan Ketua-Ketua Pengarah agensi serta Ketua Pegawai Eksekutif majlis di bawah MPI.

Produk komoditi negara promosi

Oleh Noor Asmawati Abdul Samad
watie@mpob.gov.my

PUTRAJAYA: Menteri Industri Utama, Teresa Kok berkata berikut hasil positif daripada perundingan Perdana Menteri, Tun Dr. Mahathir Mohamad semasa lawatan ke China baru-baru, kementeriannya akan lebih giat mempromosikan produk komoditi di negara berkembang.

Dengan China sebagai antara tiga pengimport utama minyak sawit Malaysia, delegasi Kementerian Industri Utama (MPI) mendatangani memorandum persefahaman (MOU) antara China National Cereals and Oil Foodstuffs Corporation (COFCO) dan Sime Darby Plantation Berhad yang bakal memudahkan penggunaan minyak sawit secara keseluruhan di China," kata Teresa.

Beliau dan delegasi turut mengadakan perbincangan dua hala dengan Menteri Pentadbiran Am Kastam China, Ni Yuefeng.

Pelbagai isu kepentingan bersama dibincangkan dan bantuan teknikal untuk memudahkan pengimportan komoditi Malaysia ke China turut ditawarkan.

"Ini dianggap sebagai inisiatif penting dan tindakan segera diambil oleh pihak berkaitan bagi merealisasikan perdagangan sawit tersebut," katanya dalam satu kenyataan, di sini.

Satu lagi inisiatif penting bagi industri sawit adalah pemeterai persefahaman antara Tsinghua University China dan Lembaga Minyak Sawit Malaysia (MPOB) bagi

pembangunan teknologi canggih untuk biofuel sawit. Tsinghua adalah antara 50 universiti terkemuka dunia dengan tumpuan utama dalam kejuruteraan dan sains.

"Pasukan penyelidikan terkemuka di universiti itu sangat positif menjalin kerjasama dengan MPOB akan menjadikannya faktor utama yang akan menentukan pencapaian China untuk menggunakan biofuel berdasarkan sawit sebagai tenaga boleh diperbaharui secara keseluruhan di China," kata Teresa.

Delegasi turut mengunjungi kilang MARS Chocolate yang terletak di pinggir bandar Beijing. Pasukan pengurusan MARS mengulangi komitmen mereka terhadap penggunaan minyak sawit Malaysia yang mampan dalam pelbagai rumusan konfensi.

Sebagai kesinambungan, delegasi Malaysia memberikan ta klmat mengenai komitmen melaksanakan pensijilan Minyak Sawit Mampan Malaysia (MSPO). Perkembangan mengenai MSPO akan sentiasa dikongsi dengan MARS serta rakan industri China bagi meningkatkan penerimaan terhadap minyak sawit Malaysia.

General enquiries, please contact:

lamp@mpob.gov.my

- Nur Nadia Kamil
Tel: 03-7802 2877
- Mohd Rizal Ahmad
Tel: 03-8920 1504 ext. 151

Enquiries on registration, advertisement and logistics, please contact:

- Mohd Abidin Zakaria
(abidin@mpob.gov.my)
Tel: 03-8769 4567

- Nurul Aishah Musa
(nurulaisah.musa@mpob.gov.my)
Tel: 03-8769 4568
Fax: 03-8925 7549/8926 1202

Enquiries on exhibition, please contact:

- Mohd Ikmal Hafizi Azaman
(ikmalhafizi@mpob.gov.my)
Tel: 03-8920 1504 ext. 144

- Mohd Ramdhon Khalid
(ramdhon@mpob.gov.my)
Tel: 03-8920 1504 ext. 135

- Muhammad Asyraf Hussin
(asyrafhusin@mpob.gov.my)
Tel: 03-8769 4556/8925 3293
Fax: 03-8926 4572

Malaysian Palm Oil Board
Ministry of Primary Industries, Malaysia

6, Persiaran Institusi, Bandar Baru Bangi, 43000 Kajang, Selangor, Malaysia
www.mpob.gov.my

REGISTER NOW!

LAMP
Labour And Mechanisation in Plantation
SEMINAR
2018

16 -17 October 2018
Hotel Mudzaffar, Ayer Keroh
Melaka



Theme:
Enhancing Mechanisation
and Labour Productivity in
Oil Palm Plantation

Lebih 1 juta kawasan tanaman sawit miliki sijil MSPO: Teresa Kok

Oleh Noor Asmawati
Abdul Samad

watie@mpob.gov.my

KUALA LUMPUR: Sejumlah 1.017 hektar kawasan tanaman sawit telah mempunyai pensijilan Minyak Sawit Mampan Malaysia (MSPO) setakat Jun 2018 dan semakin berkembang, kata Menteri Industri Utama, Teresa

Kok.

Peningkatan ini sangat ketara berbanding 758,923 hektar yang dicatatkan pada bulan Februari tahun ini.

Katanya, ini bertepatan dengan sasaran kerajaan untuk melaksanakan pensijilan MSPO secara mandatori menjelang akhir tahun 2019.

"Pensijilan MSPO dibangunkan dengan mengambil kira undangan

undang dan peraturan domestik, termasuk kriteria kemapanan.

"Skim ini dilaksanakan secara sukarela pada tahun 2015, akan dijadikan mandatori pada akhir tahun depan," katanya ketika berucap merasmikan Seminar dan Pameran Perdagangan Minyak Sawit (POTS) Kuala Lumpur 2018, di sini baru-baru ini.

Menyentuh berkaitan prospek pengeksportan minyak sawit, beliau berkata kerajaan tidak menetapkan sebarang sasaran untuk tahun ini.

Teresa berkata, ia adalah terlalu awal untuk menghuraikan perbincangan mengenai eksport minyak sawit dengan China semasa lawatannya ke negara itu baru-baru ini.

TERESA Kok melawat pameran MPOB sempena POTS Kuala Lumpur 2018.

Beliau sebelum ini dipetik sebagai berkata bahawa prospek eksport minyak sawit Malaysia pada separuh kedua akan positif kerana kementerian itu menumpukan perhatian untuk menarik lebih ramai pembeli dari China, kuasa ekonomi kedua terbesar dan pengguna ketiga terbesar minyak sawit Malaysia.

Tahun lalu China mengimpor 1.92 juta tan minyak sawit dari Malaysia, India mengimpor 2.03 juta tan dan Kesatuan Eropah membeli 1.99 juta tan.

Secara kumulatif, ketiga-tiga pembeli ini menyumbang hampir 36 peratus daripada jumlah eksport minyak sawit Malaysia tahun lalu pada 16.56 juta tan bernilai RM50 bilion.

POFP tarik penyertaan peserta 21 negara pengguna sawit

Oleh Dr. Laziana Ahmad & Nor Asliza Semiran & Muhammad Hanif Miskandar

laziana@mpob.gov.my & norasliza@mpob.gov.my & mhanif@mpob.gov.my

PUTRAJAYA: Sejumlah 71 peserta daripada 21 negara menyertai Program Suan Kenal Minyak Sawit ke-38 (POFP 2018) yang berlangsung baru-baru ini bagi mempelajari dan melihat dari kaca mata sendiri industri sawit Malaysia.

Perasmian POFP 2018 disempurnakan Timbalan Menteri Industri Utama, Shamsul Iskandar Md Akin, di sini.

"Malaysia akan terus mempertingkatkan pasaran minyak sawit di peringkat antarabangsa dan memperkenalkan produk inovatif berdasarkan sawit," katanya yang membacakan ucapan Menteri Industri Utama, Teresa Kok.

"Kementerian meletakkan keyakinan yang tinggi terhadap keupayaan MPOB melalui pejabat khidmat nasihat teknikal di Amerika Syarikat, Belgium, Pakistan, India, Iran, China dan Mesir untuk mempertingkatkan kerjasama dengan pihak kerajaan dan industri di negara berkenaan."

"Malaysia percaya kunci kepada industri minyak sawit yang mampan adalah melalui maklumat data dari penyelidikan yang bermutu tinggi. Kita kini mengetahui bahawa minyak sawit adalah minyak unggul yang memiliki

pelaksanaan skim pensijilan Minyak Sawit Mampan Malaysia (MSPO) bukan sahaja memperkasa industri minyak sawit Malaysia malah dapat penjenamaan sawit di pasaran minyak dan lemak antarabangsa," tambah beliau.

Pelaksanaan skim pensijilan Minyak Sawit Mampan Malaysia (MSPO) mendanakan komitmen jitu kerajaan terhadap pengeluaran minyak sawit mampan. Skim MSPO ini diiktiraf dunia dan akan digunakan sebagai standard perolehan minyak sawit mampan pada Sukan Olimpik



SHAMSUL Iskandar merasmikan POFP 2018 di Putrajaya.

dan Paralimpik Tokyo 2020.

POFP kali ini disertai oleh 71 peserta yang terlibat dalam industri minyak sawit dari 21 negara termasuk 17 peserta yang ditaja oleh Malaysian Technical Cooperation Program (MTCP), Kementerian Luar Negeri Malaysia.

Sementara itu, Pengurus MPOB, Tan Sri Mohd Bakke Salleh berkata, POFP selaras dengan namanya, membawa misi untuk memperkenalkan dan mendedahkan para peserta kepada industri minyak sawit di Malaysia secara menyeluruh.

"Ini termasuk pembangunan

terkini dalam aktiviti penyelidikan di semua bidang marjerin bagi hilir mahupun huluhan berkaitan sawit.

"Semua peserta dapat mengambil peluang yang ada untuk menambah pengetahuan tentang minyak sawit dan pelbagai produk yang boleh dihasilkan darinya dan seterusnya berperanan sebagai duta minyak sawit dalam organisasi dan negara masing-masing," katanya.

Turut hadir semasa acara perasmian POFP 2018 adalah Ketua Pengarah MPOB, Datuk Dr. Ahmad Kushairi Din dan

Timbalan Ketua Setiausaha Kementerian Industri Utama, Ravi Mutayyah.

POFP melibatkan pelbagai aktiviti seperti ceramah, lawatan lapangan dan interaksi bersama pemain industri sawit Malaysia berjaya membuka mata peserta disamping memberi peluang melihat secara langsung amalan mampan industri sawit yang dilaksanakan di Malaysia.

Semasa lawatan ke ladang sawit milik Sime Darby Plantation Berhad di Pulau Carey, Selangor, peserta

diberi pendedahan mengenai proses tumbesaran pokok

sawit, penggunaan kumbang pendebungan dan penuaan buah sawit.

Peserta turut didekahkan mengenai Amalan Pertanian Baik (GAP) serta Sistem Pengurusan Kawalan Haiwan Perosak Bersepadu yang dipraktikkan seperti penggunaan burung hantu untuk mengawal tikus secara biologik dan tanaman bermanfaat untuk mengawal populasi serangga perosak.

Sesi interaksi bersama Ketua Pegawai Eksekutif Persatuan Penapis-Penapis Minyak Sawit Malaysia (PORAM), Teoh Beng Chuan yang membentangkan topik berkaitan aspek perdagangan minyak sawit, spesifikasi minyak sawit oleh PORAM yang memberi maklumat sangat berguna kepada pengimport minyak sawit Malaysia.

Pembentangan kertas kerja oleh wakil peserta daripada Turki, Kazakhstan, India, Amerika Syarikat dan Angola diadakan bagi menerangkan lebih terperinci mengenai situasi minyak dan lemak serta peluang-peluang perniagaan di negara terbabit.

"Kami banyak mempelajari secaraterperinci dan memahami struktur dan amalan pemain industri sawit Malaysia. Sebagai pengimport minyak sawit, kami yakin bahwa produk sawit Malaysia selamat untuk pemakanan kerana ditangani dengan cukup baik sebelum sampai kepada para pengguna di sana dan dalam negara."

Peserta juga berpeluang berinteraksi dengan pengiat industri sawit Malaysia sebagai usaha MPOB menjalankan



SHAMSUL Iskandar Md Akin bersama pelajar dan belia yang menyertai program Sayangi Komoditi di Rompin, Pahang.

dalam daerah Rompin menyertai program ini iaitu SMK Perwira Jaya, SMK Chanis, SMK Perantau Damai, SMK Keratong, SMK Bandar Tun Razak dan pelajar pra-diploma Politeknik Muadzam Shah, Rompin, Pahang.

Seramai 700 peserta terdiri pelajar sekolah, belia dan masyarakat tempatan yang hadir bagi mendapatkan

input berkaitan latihan dan kerjaya.

Program turut melibatkan pameran yang disertai enam agensi bawah Kementerian Indsutri Utama dan Jabatan Pembangunan Kemahiran (JKP).

"Saya mencadangkan program ini dijadikan aktiviti tahunan IMPAC sebagai agensi latihan kementerian dalam meningkatkan pengetahuan dan kefahaman mengenai

industri komoditi kepada generasi muda negara", katanya.

Belia turut menggesabelia tempatan merebut peluang pengalaman dan kemahiran untuk mendapatkan latihan dalam bidang kemahiran tertentu yang ditawarkan.

"Pelbagai peluang disediakan dalam membantu belia melalui skim yang dilaksanakan oleh kerajaan

dalam mengiktiraf pekerja mahir dan separa mahir.

Katanya, melalui peluang yang ditawarkan, belia dapat memanfaatkan pengalaman dan kemahiran untuk peningkatan kerjaya dan secara tidak langsung membuka peluang masa depan lebih baik.

Program Sayangi Komoditi diadakan secara bersiri di tiga zon iaitu Semenanjung, Sabah dan Sarawak.

IMPAC canang latihan, kerjaya sektor komoditi

Oleh Mohd Solah Deraman Nur Dalilah Termizi

solah@mpob.gov.my & dalilah@mpob.gov.my

ROMPIN: Kementerian Industri Utama melalui Institut Perlindungan dan Komoditi Malaysia (IMPAC) menganjurkan program Sayangi Komoditi sebagai median pendedahan awal bagi menggalakkan belia mencebur latihan dan kerjaya sebagai pilihan pada masa depan.

Program dengan kerjasama Kementerian Sumber Manusia melalui Jabatan Pembangunan Kemahiran (JKP) dan Kementerian Pendidikan bertujuan menghebatkan latihan dan keperluan guna tenaga dengan tumpuan pelajar sekolah menengah yang berminat mengikuti latihan kemahiran di sektor perlindungan dan komoditi negara.

Program julung kali diadakan di Sekolah Menengah Kebangsaan Selancar, diiringi Timbalan Menteri Industri Utama, Shamsul Iskandar Md Akin, di sini

baru-baru ini.

"Sektor komoditi adalah salah satu penyumbang terbesar kepada jumlah eksport bersih negara", katanya yang membacakan ucapan Menteri Industri Utama, Teresa Kok.

Katanya, keperluan tenaga kerja tempatan yang berpengetahuan dan berkemahiran diperlukan di sektor perlindungan bagi meningkatkan produktiviti dan meneruskan kelangsungan prestasi pendapatan eksport komoditi negara.

Program sehari itu turut dihadiri Timbalan Ketua Pengarah (Penyelidikan dan Pengurusan) MPOB, Dr Ahmad Parvez Hj Ghulam Kadir, yang mewakili Pengurus IMPAC; Ketua Pengarah Lembaga Kenaf dan Tembakau Negara, Samsudin Noor; Timbalan Ketua Pengarah (Operasi) Jabatan Pembangunan Kemahiran, Kementerian Sumber Manusia, Dr. Mohd Rashid Buyong Hamzah, dan wakil

Kementerian Pendidikan Malaysia, Mohamad Hamid. Sebanyak tujuh sekolah

input berkaitan latihan dan kerjaya.

Program turut melibatkan pameran yang disertai enam agensi bawah Kementerian Indsutri Utama dan Jabatan Pembangunan Kemahiran (JKP).

"Saya mencadangkan program ini dijadikan aktiviti tahunan IMPAC sebagai agensi latihan kementerian dalam meningkatkan pengetahuan dan kefahaman mengenai

industri komoditi kepada generasi muda negara", katanya.

Belia turut menggesabelia tempatan merebut peluang pengalaman dan kemahiran untuk mendapatkan latihan dalam bidang kemahiran tertentu yang ditawarkan.

"Pelbagai peluang disediakan dalam membantu belia melalui skim yang dilaksanakan oleh kerajaan